

Тафаккур: Бир хил сув ила суғорилган мевалар



Тафаккур: Бир хил сув ила суғорилган мевалар

13:00 / 18.01.2022 2244

Биз тановул қиладиган нозу неъматлар ҳақида ўйлаб кўрайлик. Узум, хурмо, анор, олма, ўрик, нок, шафтоли, беҳи, қовун, тарвуз, бодом, ёнғоқ, буғдой, арпа, гуруч, ананас, банан, лимон, апельсин, мандарин, бодринг, помидор ва ҳоказо неъматлар турли рангда, шаклда, таъмда бўлсада, аммо уларнинг барчаси бир хил сув ила суғорилади. Мана шунинг ўзи Аллоҳ таолонинг улкан мўъжизаларидан биридир. Роббимиз Қуръони Каримда шундай деб марҳамат қилган:

رُبِّيْغُوْ نَاوُنْ ص لِيْخ نُوْ غ رَزُوْ ب اَنْع ا نَّم ت اَنْج و ت ا ر و ا ج تُم غ ط قِ ص ر ا ل ا ي ف و
ي ف ن ا ل ل ك ا ل ا ي فِ ص ن ع ب ا ل ع ا ه ص ن ع ب ل ص ف ن و د ح ا و ا م ب ا ي ق س ي ن ا و ن ص
ن و ل ق غ ي م و ق ل ت ا ي ا ل ل ك ل د

«Ва ер юзида қўшни бўлақлар бор. Шунингдек, узумли боғлар, экинзорлар, шохлаган ва шохламаган хурмолар бўлиб, бир хил сув ила суғориладилар ва таъмда уларнинг баъзиларини баъзиларидан афзал қилурмиз. Бунда, албатта, ақл юритувчи қавмлар учун оят(белги)лар бордир» (Раъд сураси, 4-оят)

Мазкур меваларни еб кўрганимизда, гарчи бир хил сув ила суғорилса ҳам, уларнинг таъми турлича эканига, бири ширин, бири нордон, бири шўр ва ҳоказо эканига гувоҳ бўламиз. Мана шулар ҳақида ақл юритган киши бунда Аллоҳ таолонинг борлигига, бирлигига, қудратига, азаматига

далолат қиладиган белгиларни топади.

Келинг, мазкур мевалар орасидан мандарин ҳақида ўйлаб кўрайлик!

Мандаринни деярли барчамиз кўрганмиз. Пўсти арчилганда, ичида бўлақларга бўлиниши осон қилиб қўйилган мевага кўзимиз тушган. Айтингчи, мандарин ўз-ўзидан шундай бўлиб қолганми?! Йўқ, албатта! Уни Аллоҳ таоло шундай қилиб яратган!

Аллоҳ таоло Қуръони Каримда шундай деб марҳамат қилган:

لَا إِلَهَ إِلَّا اللَّهُ وَهُوَ الْغَنِيُّ الرَّحْمَنُ الرَّحِيمُ
لَا إِلَهَ إِلَّا اللَّهُ وَهُوَ الْغَنِيُّ الرَّحْمَنُ الرَّحِيمُ

«Аллоҳ ҳар бир нарсанинг яратувчисидир. Ва У ҳар бир нарсага вакилдир» (Зумар сураси, 62-оят).

Қаранг, мандаринни қийналмай истеъмол қилишимиз учун Меҳрибон Роббимиз уни бўлақларга бўлиб, тайёр қилиб қўйибди.

Нақадар Меҳрибонсан, Роббим!

Шундай Роҳман, Роҳим бўлган Зотга ибодат қилмай, Унга ҳамду сано айтмай, неъматлари учун шукр қилмай, мандаринни еб, кекириб юрганлар кўзларини очиб, ўзларини тузатсинлар, Намозни бошлай олмаётган бўлсалар, бугуноқ, ҳозироқ бошласинлар!

Агар Намоз ўқишни билмасалар, Шайх Муҳаммад Содиқ Муҳаммад Юсуф раҳимаҳуллоҳнинг «Намоз мўминнинг меърожи» номли китобларини қўлга олсинлар! Тушунмаган жойларини имомлардан сўрасинлар, улар ҳеч малолланмай тушунтириб беришади, иншаа Аллоҳ.

Аллоҳ таоло юртимиздаги барча мусулмонларни намозхонлардан қилиб қўйсин! Шароит, вазият, ички тартиб қандай бўлишидан қатъи назар намозни ўз вақтида адо этиб боришларини уларга ҳам, бизга ҳам насиб этсин!

Роббимиз барчамизни Ўзининг ҳидоятидан айирмасин, умримизни узун, амалимизни солиҳ айлаб, хотимамизни чиройли қилсин!

Интернет маълумотлари асосида Нозимжон Ҳошимжон тайёрлади